



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XIV. Sacram, & Apostolicam Visitationem Ecclesiarum omnium Urbis,  
locorumque piorum quadraginta horarum celebrationem, cum  
indulgentiarum elargione indicit.

---

[urn:nbn:de:hbz:466:1-74833](#)

ANNO  
1656.

ALEXANDER SEPTIMUS.

19 ANNO  
1656.

& delegatos, ac causarum Palatii Apostolici Auditores judicari, & definiri debere, ac irritum, & inane quidquid secus super his à quoquam, quavis auctoritate scienter, vel ignoranter contigerit attentari. In contrarium facientibus non obstantibus quibuscumque.

Dat. P. An. t.  
die 9. Dec.

Datum Romæ apud Sanctum Petrum, sub Anno Piscatoris die 9. Decembris 1655. Pontificatus Nostri Anno Primo.

XIV.

Sacram, & Apostolicam Visitationem Ecclesiarum omnium Urbis, locorumque piorum quadriginta horarum celebrationem, cum indulgentiarum elargione indicit.

Edita A. D.  
1656.

*De Visitatione Apostolica extant Constitutiones Clement. VIII. Confit. 8. Speculatoris, to. 3, Urb. VIII. Confit. 15. Militantem, to. 4. impress. Lugd. quæ Constitutiones Urbani data opera in reliqui in nova impressione ne otiosè repeatam quæ non sunt necessaria, maximè quia concordant cum his S. D. N.*

ALEXANDER EPISCOPUS,

*Servus Servorum Dei. Dilectis Filiis Universo Clero,  
& Populo Romano salutem, & Apostolicam  
benedictionem.*

Exordium.

Commissam Nobis Ecclesiam vigili cura, ac studio dies, noctesque obeentes calamitatem, ac tribulationum, qua invenerunt Nos nimis objectu non deterremur, aut frangimur, quinimad ad illum, qui eam sibi praelegit in sponsam fidentes respicimus, & quam ipsi immensam sollicitudinem, & charitatem debemus omni opera, diligentiaque representare conamus. Illam Filii Sui sanguine acquistam, tamque excellenti pignore sibi obligaram tradidit Nobis custodiendum Altissimum crebro urgens, contendensque, ne quid unquam de summo in eam amore, ac dilectione remitteremus. Quod trepidè, solliciteque cum animo Nostro reputantes, in hoc labores omnes, cogitationesque defigimus, ne qualibet, aut macula pulcherrimo corpori adhæret, cam verò decoram exhibeamus, tanquam sponsam ornata monilibus, parata in occursum Domini, ac viri sui. Quamvis autem Universalis, ac singulis debitores simus, & in Christo devicti, hæc tamen Alma Civitas, quam in tantum extulit divina dignatio, propiores habet amoris, & sollicitudinis cauas. Crediti enim gregis cum forma esse jubeamur; à Principe gentium Urbe exigendum id esse potissimum videtur, ut fidei, ac Religionis Magistra, castissima etiam sit morum custos, & disciplina. Hic est fides Petri, fides, quæ annunciatur in universo Mondo, quæ Apostolos coronavit, & Martyres. Hæc est Civitas ædificata super fundamentum Apostolorum, quam fusus pro Christo sanguis mundat, illustransque Sanctorum pretiosa deposita.

Causa Visitationis Sacrae.

J. 1. Hinc quidquid oculis Domini displicere possit extirpare cupientes nullam in populo, aut, plebe turpitudinem, nihil iniquitatum apparere, Cleri verò mores eos vellemus, quales esse de Altari viventium decet, quorum pars est Christus, atque in Cœlis conversatio; Cum enim Deus impium Regem, quod vasa Templi ministerio addicta in profanum usum vertisset, gravi, subita que vindicta percussit, satis ostendit, quam procul ab immunda omni consuetudine remoti esse debeantii, qui sibi inserviunt, cum etiam inanitas, & fine sensu rei tantam voluerit adhiberi reverentiam. Optamusque ut illi in præcipuis Basilicis, quas Deo obtulit pia Imperatorum, ac Principum largitas, diligenter obeat opus suum, utque apta sit, & decora psalmorum modulatio, psaliantque Regi Regum sapienter. Quibus perfici-

ciendis opportunè, ut cætera, id quoque suis decretis sanctivit sacrosancta Tridentina Synodus, ut Episcopi subinde gregem suum, ovelque perlustrarent, & recognoscerent, cuius sanctissimum institutum, & Nos sequentes, ut Patrum regulas, ac terminos custodiamus, visitemusque Fratres Nostros Filios Istræl, ne veniat super Nos, quod olim comminatus est Deus malis Pastoribus, qui pacientes semetipos, gregem Domini non pacunt, neque quod infirmum est consolidant, quod ægrotum non sanant, quod contractum non alligant, quod abjectum non reducent, & quod perire non requirunt.

J. 2. Statuimus Deo annuente, Urbis Romæ omnes tam Patriarchales, quam Collegiatas, & Parochiales Ecclesiæ, earumque Capitula, & personas, item Monasteria, Conventus, & Ecclesiæ quorumvis Ordinis tam virorum quam Mulierum, Hospitalia, Collegia, Confraternitates Laicorum, Montem pietatis, omnia quocumque censerunt nomine loca Pia visitare.

J. 3. In cuius operis confortio nonnullos ad vocavimus ex Venerabilibus Fratribus Nostris S. R. E. Cardinalibus, & Episcopos aliquot administratos, quorum consilio, atque opere in tam salubri, atque ardua uteremur.

J. 4. Ad Omnipotentis itaque Dei laudem, & gloriam Sanctæ Romanæ Ecclesiæ exaltationem, vobis visitationem in vigesimali tertiam mensis Iulius Dominicam diem indicimus, quam à Sacrofânta primaria Lateranensi Basilica inchoabimus, & statutis diebus, Deo adjutore prosequemur, singulos, atque universos in Christi visceribus per misericordiam Dei, & Salvatoris Nostri obtestantes, ut abjectis secularibus desideriis non secundum carnem ambulent, sed justè, & piè vivant, quo tanquam in bene præparato agro fementem dominicam cum fructu accipient, ac ne in vacuum curramus, & frustra sint nostri labores, Deum, qui est multa misericordia omnibus invocantibus se, sine intermissione obsecrant, ne viribus deficiamus, sed assistat Nobis, confortetque Nos in gratia, quæ est in Christo JESU.

J. 5. Qua de causa jubemus sexta feria ante constitutam Dominicam in nonnullis Ecclesiis Urbis Patriarchalibus Collegiatas, & aliis præcipuis Sacros, Eucharist. solemni ritu in Altari proponi, & quadriginta horarum orationem de more celebrari.

J. 6. Ut autem orationes vestræ exeant de corde puro, & conscientia bona, thesauros ejus, qui propitiator Noster est apud Patrem suum reseramus, atque omnibus, & singulis utriusque Romæ degentibus, qui eadem Dominicæ die expiatis exacta confessione conscientiis Sacram sumperint Eucharistiam, devotèque in quavis Ecclesia oraverint, ut hæc nostra visitatio utilis sit Ecclesiæ, & animarum saluti, plenariam peccatorum suorum Indulgentiam concedimus, & elargimur.

J. 7. Agite ergo Dilecti Filii, cum tremore, & sollicitudine cooperamini saluti vestre quæcumque sunt vera, quæcumque pudica, iusta, sancta, amabilia, bona fama, si qua virtus, si qua disciplina, hæc cogitate, ut cito anticipent. Nos misericordia Domini, obliviscatur verò iniquitatum nostrarum, convertaturque, & videat, & visitet vineam istam, quam plantavit dextera ipsius, & ponat visitatione ejus pacem.

Datum Romæ apud Sanctum Petrum Anno Incarnationis Dominicæ 1656. quarto Id. Januarii Pontificatus Nostri Anno Primo.

Anno à Nativitate Domini Nostri JESU Christi millesimo sexcentesimo quinquagesimo sexto, Indictione nona, Pontif. autem Sanctiss. in Christo Patris, & D.N.D. Alex. Divina Providentia Papæ VII. Pon-

Visitationem  
indicit.

Card. affi-  
mit.

Fideles ad  
orandum  
hortatur.

Orationem  
40. horarum  
præcipit.

Plenaria  
elargitur in  
dugentiam.

Pastoralis  
adhortatio.

Dat. P. An. t.  
4. Idus Jan.

Publicatio.

tif. sui anno primo, die vero decima quarta mensis Januarii, Presentes Litterae in forma Brevis affixa, & publicatae fuerunt ad valvas Basilicae Principis Apostolorum, Basilicae Lateranensis, ac Basilicae Liberianae, ad valvas Castrorum S. Angeli, Cancelleriae Apostolicae, at aliis locis solitis, & consuetis Urbis per me Petrum Paulum de Graffis Apost. Cursive.

Pro D. Mag. Curs. Andr. Castruccius Apost. Curs.

## XV.

Facultates S. R. E. Cardinalium pro visitatione Ecclesiarum, & locorum Piorum Urbis assumptorum.

## ALEXANDER PAPA VII.

Nomina S.  
R. E. Card.  
assumptorum.

Venerabili Fratri Nostro Martio Episcopo Albaen. Ginetto, nec non Dilectis Filii Nostri Ulderico S. Anastasia Carpino, Marco Antonio S. Mariae de Pace Franciotto, Francisco Angelo S. Cecilia Rapaccioli, Nicolao S. Mariae Angelorum Ludovisio, Jacobo S. Mariae Trapontine Corrado, Laurentio S. Chrysogoni Imperiali, & Giberto Ss. Jo. & Pauli titulorum Presbyt. S. R. E. Cardinals Borromaeo respectivè nuncupatis. Venerabilis Frater Nofer, ac Dilecti Filii Nostri salutem, & Apostolicam benedictionem.

## Exordium.

Facultas pro-  
cedendi con-  
tra quoscumque.

Cum in pastorali visitatione, quam prope diem inchoare, & Deo adjuvante proseguiri intendimus Cleri nimirum Romani, & omnium alia hujus Urbis Ecclesiarum, piorumque locorum, & operum, vos potissimum ex Sacro Venerabilium Fratrum Nostrorum Collegio delegerimus, & Nobis in eo munere adjutores assumpserimus, adeoque vestra opera in nonnullis rebus, quas per Nos metipos praestare non valemus, diligenter inquirendis, examinandis, & exequendis uti cupiamus.

§. 1. Idcirco, ut vestrum ea in re ministerium plus habeat auctoritatis, & firmatis, uberiorumque ad cultus divini propagationem, & animarum salutem, Deique gloriam parias fructum, providere volentes Vobis, & Vestrum cuiilibet in solidum circa visitationem ipsam, eaque durante mandata quacumque etiam vivæ vocis oraculo per Vos à Nobis accepta illis, ad quos ea res pertinet referendi, & orentus per Nos ordinata mandandi, quibus relationi, ac mandatis vestris & cujuslibet vestrum de ordine Nostro factis hujusmodi plenam, & indubiam fidem ab omnibus adhiberi, atque firmiter obtemperari tanquam Mandatis Nostri Apostolicis volumus, & jubemus, mandata quoque, & præcepta quacumque necessaria, & opportuna illis in rebus, qua visitationis hujusmodi præparationem, statum, progressum, & executionem concernunt, decernendi, faciendi, atque exequi jubendi, Personas quascumque tam Ecclesiasticas fœculares, & cujusvis ordinis etiam Cisterciens, ac S. Antonii Viennen, nec non Congregationis, Societas etiam JESU, ac instituti, nec non Militiarum etiam Hospitalis Sancti Joannis Hierosolymitani Regulares, quam etiam Laicæ pro rebus, & negotiis ad visitationem hujusmodi pertinentibus ad Vos vocandi, & ad personaliter coram vobis comparendum citandi, opportunisque juris, & facti remedii compellendi, similes item personas quascumque, & tanquam principales & tanquam testes, seu tanquam principales quoad se, & tanquam testes quoad alios examinandi, & ut veritati testimonium perhibeant admonendi, ac etiam cogendi juramenta eis defendi, & ab eis exigendi, & recipiendi ad Sacrorum Canonum præscriptum ac recusantes per censuras Ecclesiasticas, aliasque penas etiam corporales Vobis beneficas compescendi.

§. 2. Memorialia etiam Nobis inscripta, & directa, atque instrunctiones, relationes, delationes, quarelæ etiam secretas contra quacumque personas accipiendi, & Nobis referendi, seu alias

prout rerum, & personarum qualitas requiret juxta ordinationes Nostras, & ex auctoritate Vobis tradita providendi.

§. 3. Congregationes aliquarum personarum, quæ Vobis in confilium super præmissis adhibenda videbuntur faciendi, & illas easdem personas auctoritate Nostra vocandi, & cum eis de negotiis Visitacionis hujusmodi tractandi, consultandi, & deliberandi.

§. 4. Quotiescumque etiam Vobis videbitur, ac etiam seorsum à Nobis, & iteratis vicibus quarumvis dictæ Urbis, seu extrâ illam intra tamen illius districtum consuentium Patriarchalium, Collegatarum, Parochialium, seu aliarum Ecclesiarum etiam S. R. E. Cardinalibus ratione tituli, aut denominationis sui Cardinalatus, & alias quomodolibet, vel ex quavis causa subjectorum, seu cuiusvis Cappella, vel Oratorii, nec non Monasteriorum tam virorum, quam mulierum, Prioratum, domorum, & locorum secularium, seu cuiuslibet Ordinis etiam Mendicantium, ac etiam Cisterciens, & Sancti Antonii Viennen, nec non Congregationis, Societas etiam Jesu, ac Instituti, & Militia etiam Hospitalis S. Joannis Hierosolymitani, etiam si illorum capita existant, regularium, & Hospitalium etiam Nationalium, & S. Spiritus in Saxia, ac etiam exemptorum Nobisque, & Apostolicæ Sedi immediate subjectorum, generanter quorundamque locorum, & operum piorum quomodolibet nuncupatorum, & quocumque privilegio, exemptione, & immunitate suffulorum, eorumque Capitulorum, Conventuum, Universitatum, Collegiorum, Congregationum, Confraternitatum, Archiconfraternitatum, etiam Laicorum etiam nullo alio speciali nostro expectato ordine, vel mandato, aut etiam requisito confessu, vel licentia visitationem faciendi, ac illa, & quilibet illorum visitandi, & in illorum statum, formam, regulas, instituta, regimen, Statuta, consuetudines, vitamque, ritus, mores, disciplinam, doctrinam, & idoneitatem singulorum personarum conjunctim, vel divisim, & tam in capite, quam in membris, nec non circa divinum cultum, religiosam functionem, Ecclesiasticum decorum, fructum, & introitum dispositionem, regularem, religiosorum tam virorum, quam mulierum observantiam, aliaque omnia & singula ad actum hujusmodi visitationis quomodocumque spectantia diligenter inquirendi, & ad hunc effectum quacumque illorum Archivia, Bibliothecas, & quacumque in illis continentur documenta, & instrumenta authentica, scripturas, libros rationum dati, & accepti, computa, & ratiocinia perlustrandi, inspicendi, perscrutandi, præsertim verò Sanctissimum Eucharistia Sacramentum, Sacras reliquias, & quibus ipsum Augustissimum Sacramentum, ac Sacra Reliquia, & res ad alia Ecclesiastica Sacraenta pertinentia continentur, Sacra Vasa, pixides, thecas, tabernacula, nec non indumenta, ornamenti, & Instrumenta, utensilia, & supellecillum Ecclesiastican etiam preciosam diligenter, & accuratè inspicendi, & ad prædicta exhibenda quacumque personas cogendi, & compellendi, ac in præmissis omnibus & singulis quacumque correctione, emendatione, & reformatio inde re cognoveritis, corrigendi, emendandi, & reformandi, proceſſusque necessarios desuper faciendi, & nobis referendi, seu juxta ordinationes Nostras in his opportune providendi, Mandata, Decreta, Statuta, & Ordinationes executioni demandandi, ac custodi & observari præcipiendi, demumque omnia alia, & singula, quæ hujusmodi Visitacionis negotium, ulteriore progressum executionem & in ea facta, & facienda Mandata, Decreta, Statuta, & Ordinationes concer- nunt, & concernent, seu ad ea quomodolibet spectant, & spectabunt faciendi, gerendi, exequendi, mandandi & ordinandi.

§. 5. Con-

Et Congreg.  
pro confitio  
adhibere pos-  
sunt.

Omnis qual-  
cumque Ec-  
clesias & lo-  
ca pia visita-  
tionibus sub-  
jecit.

Memorialia  
etiam Pont.  
inscripta ex-  
pediant.